

遠

山

堂

詩

集

五言排律

○皇極殿遣輔臣行邊館試

錫命自天子○安危屬爾曹○鳳銜飄紫詔○龍繞佩腥刀○  
月暈妖雲墮○風驚赤羽高○文昌騰玉曜○少昊肅金旄○  
營洛傳靈卜○平淮借彩毫○燕然磨片石○海宇頌勲勞○

○孫內閣行邊志喜輦政試題

北門當鎖鑰○萬里屬旌旄○禮樂中朝盛○戈鋌漠外嚴○  
誅狼看勒石○傳鷺擬投鍰○劍蝕麒麟字○花圍靖錦袍○

當閣環卧虎柱石戴金燕畫戟排雲重牙旗立雪高  
觀兵仍耀德歌凱徹雲璈

壽李大文先生

維岳從申降鉤霞種紫芝丹顏添鶴算奇骨寄鸞棲  
携杖隨山鹿浮杯聽岬鸛卽官映列宿仙叟受華簪  
瀟散羲風遠循良漢吏追姓名書玉簡俎豆隸金圭  
入徑披蘿陟經秋種菊肥嗜奇書作友耽僻酒成詩  
萱草吹庭日浮鷗狎野菑于公高里巷陶令樂茅茨

祖德漂虹渚孫枝翼鳳儀桂飄蘭砌秀玉接鴈行怡  
繩武輝華極貽謨振紫墀頌詩無以祝但願長如斯

寓淨業庵即事

葉落茅庵閑寒深夢不飛日移新竹影雲掛老僧衣  
禪定鳥聲靜經翻佛焰輝蛩吟秋砌少鴈下晚霜稀  
石鉢堪盛飯繩床可息機三宗了身世百法解皈依  
夜梵隨風度天花帶雨飛生公能說法一笑已忘歸

○賦贈林慎日齋臺

帝念東南竭，乘駟出建章。畫輪初麗日，丹筆欲凝霜。  
品並擢彝重，名傳草木香。訐謨資鼎鑄，封事鑒明光。  
黃海侔劉駱，籌邊陋孔桑。三臺隆砥柱，半壁屬康康。  
鑒別關民瘼，敷陳紀太常。高華齊北斗，瑞藹北南床。  
倚馬才何貴，櫻鱗氣自昌。千花迎露冕，寸草向春陽。  
爲理多高誼，同官服雅量。聲光時獨挹，道義每相將。  
縞帶交情握，瑤華折贈長。政成推弼直，運泰際明良。  
共祝鴻遵渚，還瞻鳳在岡。衡茅耽卧者，曷以頌無疆。

登陵疊月灣山

陡然迴絕嶂勢欲向滄瀛海氣千層湧村烟一帶平  
林開雲意遠峽窄水流爭薛月深潭影花風蕩野晴  
長松當壁立嫩草傍人生驅石通樵路披蘿出鳥聲  
越山於此盡登眺倍多情

遊曹山陶氏別業

爲探曹山勝舟行到曲隈崩崖天似圻仄還水都洄  
潭影常門靜虛亭遠蔚闕玄風留桂栢梵宇洗莓苔

鳥雀喧空幕。魚龍護講臺。長廊穿雪竇。小艇濯雲堆。  
架壑層樓出。憑空遠岫來。細沉如線月。高起作濤雷。  
嵌壁泉分乳。奔流石破胎。淡烟浮曠莽。怒獸壓崔嵬。  
積氣晴光變。凝寒暮色催。談禪思古宿。得句愧新裁。  
獨此幽襟豁。重遊能幾回。

○送邑令張撤藩陞任南儀曹

經濟推名手。謀謨佩國方。小鮮遊及割。巨鼎亦輪匡。  
德雨隨車沛。文瀾灑筆香。耒耜絃徽調。燭斗劍舒芒。

指水耶溪潔翻書宛委藏斯民歌樂只惟帝念臣  
郎和治明三禮寅清叙五常金鑄傳雅奏玉鑑寶靈光  
東壁觀文盛南山瑞錦張鍾山堪柱笏笛步可移床  
槃礪光祠省聲名起廟廊鳳池行作相鷄舌且爲郎  
築壘稽峰迥投錢鑑曲長鸞枝畱去鴈鴻渚賭歸棠  
渺末蒙傾倒高深可測量桑麻多暨被閭里賴歡康  
騰有思千綫慚無報七葉望公爲柱礎扶世舟航

賦得信棹覓溪村



閨前方入夏，小艇集城隅。  
朋友歡然至，琴樽偶爾俱。  
薄烟留遠岫，新水漲平湖。  
茅屋沿流住，溪橋接岸紆。  
叩門驚吠犬，失路問田夫。  
籬笋當窓出，村醪到肆沽。  
瘦憐辭壘蕒，閒羨浴波鳬。  
遶興寧容罷，徵詩未敢逋。  
不愁催暮色，故欲歷迂途。  
曲曲生光影，家家在畫圖。  
明朝重有約，好月豈堪孤。

題玲瓏菴

爲探風篁勝，幽棲景物奢。  
暗泉流短竹，老石嵌疎花。

霜宿龍孫宅雲巢佛子家窓虛波影動軒小樹陰斜  
溪畔時疏葉林邊夜煮茶樓居懸木杪磴道出峰嵯  
雨入磬聲細潮生梵響遐洗苔留古篆掛笠帶殘霞  
白足譚詩卷青娥展貝車齋餘呼食鳥鐘靜過昏鴉  
鑒月分香乳耕烟長雪芽禪厨通活水迥閣望平沙  
徑仄須猿引籬開倩雀遮瘦巖欹崛曲法界倚谿訝  
饒舌寒山語生公未可誇

遠閣曉望

曉霽當春晚溪巒淨如拭薄日破層雲輕嵐吐蒼石  
三山漸逗青一海欲分碧望日爲屢遷徘徊忠所適

七言排律

○賀彭讓木考績

花縣晴烟拂綬香。黃麟馭轉德風颺。文章八斗飛瓊雪。惠露三春染絳霜。雀到錦城清案牘。魚吹紅浪入琴囊。天南半壁歌長劍。極北雙峰護紫凰。月朗素絃調單父。風清綉紱羨龔黃。玉壺環影芙蓉赤。水鑑長噓桃李芳。朗識自應占寶氣。樗材幸復廁門牆。酬知敢擬循良賦。故向神君賡頌長。

○贈謝九如二守

繡節親巡海上師。一天風雨淨蛟螭。  
綏綏帶爭席。峴作碑。玉帳芙蓉開劍鐸。  
山城桃李映旌麾。三都紙貴江花艷。  
八斗人驚謝句新。庖借夢刀歌。衮甫功高壽海勤。  
鐘彝明時正。是攄公候柱礎舟。  
航濟世資。

五言絕句

董山人過訪密園拈韻各賦

物外何來客  
煙雲收拾多  
掉頭無所語  
只是放清歌

其二

蘇嘯令亡矣  
知音千古難  
自挾廣陵散  
爲君聊一彈

其三

對坐南軒下

相看氣

親

相逢無

杯酒

笑阮家貧

月下簫聲

遠山堂詩集

王言刻

一音月下聞與月同圓缺低頭思故鄉不敢看明月

其二

山水有清音絲竹得其理靜察此中情是悲不是喜

其三

嗚咽多愁意偏從客邸生山中如聽此松葉落皆聲

其四

愁絕玉闌干楊花

春夢如移去聽二十四橋邊

○ 吊徐文長先生墓

樵逕無人行。長松覆古屋。欲訪高士蹤。松聲滿空谷。

其二

使有身後名。殺身非所苦。未識君意何。一杯澆千古。

其三

舉世無知己。孤懷自往還。縱君不狂飲。寧不莖青山。

其四

骨自埋黃土。青山不莖名。偶得遺編讀。鬚眉照古情。

石屋



乾坤有靈秘每以無心獲山君欲真居却爲老僧間  
鷗虎軒

老僧斷見性狎虎如狎鷗只恐忘機者相倩爲客遊  
王元章梅花屋

遠屋種梅花屋如浴萬玉梅爲樵子薪香影猶在屋

其二

處士瘦如梅醉吟坐芳草非徒嗔清芬對影亦自好  
春日醉歸子本年兄以短箋訊走筆復之

佳氣長安道。珊珊闌綺羅。鸛裘雖換盡。還向酒家過。  
其二

寒重花猶睡。春風得幾回。夜來方小茁。蘭訊莫相催。  
其三

嬌冶誰家女。眉間初日光。千金不肯顧。留與嫁潘郎。  
遠閣晚霽

一片孤雲飛不知。到誰許。落落接遊心。呼來可與語。  
其二

只此園林景翻翻取意新澹煙疎月裏吾獨會其真

其三

海氣漲波濤碧空洗澄澈垂虹吸倒影天漢若可挈

其四

一雨南山後諸峰靜不譁老僧揮麈罷清磬出明霞

其五

雨脚初收罷微香木嫩荷蘆汀當返照採蓮歌

澄湖翠浪收山接

蓮歌

六言絕句

雨中望天鏡諸園不得遊戲以六言謝之

識我當時將贈千呼萬轉徘徊但使薄妝猶在明朝  
有意重來

其二

花徑自怜寂寞新荷繫得扁舟忽被野風吹去依微  
漁火溪頭



玉勒垂鞭江浦行，柳絲吹斷別離情。  
春風度曲晴陽裏，醉後看山眼倍明。

其四

空齋夢鎖隔江天，雨過苔痕草色鮮。  
坐隱未消春晝永，閒敲碧玉寫鳴泉。

○贈仲兄脩翎北上

春風玉勒走紅塵，柳楊絲絲拂路人。  
莫學長安少年客，吳鉤劈破玉麒麟。

其二

何事慙勤惜別離  
子規聲斷夕陽時  
不教回首江南月  
留得幽窓添旅思

其三

倒啜澄空掃碧鰲  
江天雲散雨初晴  
懸弧自是男兒志  
萬里長風破浪行

擬古艷詩五首

小鬟初嫁展妝臺  
半摺榴裙窄樣裁  
猶恐菱花照不

盡玉釵乍插轉徘徊

其二

分明入夢轉無聊  
藍暗銀瓶懶去挑  
爲愛雙眉蹙不  
損重留半曲待郎描

其三

爲道思卽意轉痴  
卽來重復繫相思  
合歡未解先愁  
盡頻問重來在幾時

其四



墮髮纔上燕釵新消息。今春似去春。可惜妾憐如驛柳。年年攀折送行人。

其五

盡日飛花春醉餘。東風寂寂鎖離居。美人一賦琴臺夜。幽怨當年女校書。

遼警三十詠

張帥死難 一東

紅旗一道捲西風。五百番兒磴磴中。夜半腥羶凌骨





○劉副帥招孫獨騎擊殺奴子力戰而死

戰骨橫銷金僕姑彎弓突騎射胡雛  
○須臾已報全軍沒野磧蕭蕭淚欲枯

楊經畧繫辟

八齊

驚塵白羽索朱提獨拍無能偃鼓鼙  
一死未應酬聖寵空餘半策取遼西

遼陽之陷

九佳

腥風動地暗金鈇震城頭戰氣埋枯骨  
半丘爭夜

泣白楊黃土覆殘骸

○吊袁經略登樓自焚

肉食誰將國事裁○祇留孤碣望龍堆○請看犀甲三千○  
士盡作長城土一坏○

吊張侍御死難

十一真

乾坤流血剩孤臣○暮雨青燐目尚瞋○殘碧百年留姓○  
字何須榛莽卧麒麟○

○其二

壯氣吞胡拂劍文○  
可堪無淚灑孤軍○  
侍中鐵血睢陽○  
舌爲報三朝養士恩○

○吊死節諸監司

仗節終堅報漢恩○  
江濤夜夜洗忠魂○  
犁庭長策雖難振○  
猶勝檻車入國門○

○時東事喪敗聞有欲棄廣寧止守山海者

擲沐疆場守土難○  
好將天險控泥丸○  
雖然孤注情寧切○  
要識唇亡齒亦寒○

○聞遼陽降夷多內應者城遂陷

一聲殘角破重關  
數騎驕秋射獵還  
漢將朔風愁鬢

策胡歌明月照關山

熊經畧再出山海

時特賜尚方餼錢送傾朝  
十六先

推轂師中將將專可能無計困居延  
一朝冠蓋沙堤擁三北軍書塞下傳

○鎮江之捷

卷甲衝枚夜度遼  
赫連城外正風驕  
俄看萬火爭焚

帳縛取胡酋落皂鵲

其二

十八首

黑稍秦兒束錦袍  
天陰鬼哭羅鳴鼙  
團花濕血三更後  
獨騎追胡掃塞郊

劉副將超三岔河之戰

十九豪

旄頭星隕陣雲高  
土蝕銅花綉夜刀  
戰罷獨驚峰火急  
蕭條殘卒下空壕

○廣寧之陷

二十卷



野火陰陰枕鉄戈，枯楊風起哭聲多。  
邊樓此地聞吹角，鵬急黃雲夜獵過。

經撫夜奔至大凌河

二十二麻

羽書爭報壁門譟，一矢何曾東向加。  
喪盡殘殘遼誰誤，國教行彈墨問黃沙。

○羅將軍一貴據西平堡用佛郎機擊賊奴退數

舍積尸與城齊

城頭立戰鬩，金瘡怒擊飛沙百道光。  
賴有殘軍寒賊

胆高懸黑蠹斬天狼

○張中樞視師

桃花削玉紫貂輕○天子恩頒細柳營○野戰數家寒雨泣○樞臣猶自擁旄旌○

○毛帥駐師朝鮮

征戈南望接滄溟○漢使捐生殉虜庭○三十六人班定遠○天驕延頸受長纓○

○聞奴初與北關構難以一老女故不數年遂併

其部落

獵馬驚秋絡紫繩雙推蠻女側身騰駝酥醉飲琵琶  
帳射殺胡王上白登

孫內閣行邊

二十六九

當局臨機一着收要湏未雨早綢繆三朝舊碩推裴  
晉四海安危賴鄴侯

西虜受款移千帳備奴

二十七侵

一自雕胡生被擒不教虜馬向南侵饑鷹畢竟飛颺

去羊犬能無負國心

吊遼左苑士

二十八章

遊寬環甲上冰探漠漠愁雲吐劍鋒  
魄斷忽驚身未死秦弓半挾怒猶酣

吊遼左流民

二十九章

大漠孤烟濕霧露饑烏猶傍舊家簷  
即今鄭俠圖堪寫不盡窮愁嘆里閭

○

遼左徵兵所在騷動浙省更甚

三十章

深閨連歲剪征衫。又奉征兵檄一緘。惡少從軍移塞北。材官應募到燒南。

過挑山岳廟

哭斷西風鉄馬追。英魂慘慘逐旌旗。十年功廢憑誰話。片石猶含趙宋悲。

其二

金牌十二困英雄。河北誰收一戰功。風雨六陵腸斷夜。始驚當日錯和戎。

雨夜宿上塘館舍

滴碎空階天未明殘燈黯黯聽鷄聲獨眠孤館寒無  
夢數點烟山送客情

其二

颼風愁雨歲將殘斷岬橫堤行路難剪燭家園談此  
夕應知不向雨中看

○七月既望奉陪寇葵裏遊九鯉湖因擬小遊仙

曲六首

洞口陰陰日正長。潺湲流水碧雲香。珠泉湧出無人  
管。飄得莢花賺阮郎。

其二

曾將玉井種紅霞。雲粉輕和阿母砂。東海步歸無個  
事。閒呼小鳳啄胡麻。

其三

喚鶴空山帝亦清。西妃笑語似相迎。月明酒醒人何  
處。猶聽峰頭笛數聲。

○其四

東環碧海霧蒼茫，騎鯨仙人紫玉裳。  
斷卻六螯龍卧穩，不知人世幾滄桑。

○其五

偷將一局對茅君，玉子欄珊酒半醺。  
賭得葫蘆歸洞去，幔亭明月鯉湖雲。

○其六

北斗橫斜月欲低，龍蛇仙篆自緘題。  
玉皇賜與修真



地故遣風雷五色迷

○醉卧武夷舟中口占二絕

卧龍流水過溪聲鐵笛吹來夢不醒  
還擬幔亭峰上去待驂鸞鶴上瑤京

○其二

玉女臨窗妝鏡臺劉郎能得幾時回  
落花隨水飄飄去寂寞峰頭月上來

未至武夷五里阻雨舟中口占

一簑風雨載漁舟似隔瀟湘幾夜秋  
忽見斷雲殘日下幔亭虹彩自空浮

其二

遊人一棹艤汀頭石冷山空水自流  
爲道武夷君有約故將風雨送新秋

春日口占

對花正值養花天亦道今年似去年  
却憶去年當此日清歌一曲對花前

其二

每於客裏憶山陰  
繞到山陰傷我心  
無限傷心回首處  
能如客裏醉花深

其三

傾城士女踏青東  
簇簇山花拂面開  
惟有鷓鴣差解意  
飛不到王臺

其四

青青梅子正酸牙  
靨點清明三兩家  
物候已隨新歲

月如何悵望在天涯

有所思

草色閑階日影移  
深深簾幙對花垂  
莫教燕子傳消息  
飛去飛來無定期

其二

柳如春水杏如霞  
笑語遙聞第幾家  
忽憶閨中深寂寞  
幾多春色上窗紗

其三

記得投壺博奕時  
通言逆笑髻兒款  
而今小別如天際  
夢裏長吟彼美詩

其四

去時梅蕊帶枝殘  
今日桃花開已闌  
豈是夢牽無好睡  
夜來猶自覺春寒

○芝城道中寄內

初別卿時暑未收  
西風一葉又清秋  
莫看明月驚烏鵲  
夜夜清溪采藥舟

其二

方纔涉水又登山，涉水登山行路難。  
但願新秋餘一枕，卷書杯酒暫安閒。

古城三義廟

疲驅狹路拜荒祠，牧豎爭前說舊時。  
向在潤州城下過，問人不識紇髯兒。

其二

天地常流血，數行爲誰滾。  
滾暗沙黃英，堆戰罷沉西。

日自裂征袍累箭瘡

其三

百戰山河花草愁  
錦江霸氣黯然收  
河聲流向西川去  
白帝年年恨早秋

其四

胭脂赤兔紫駝纒  
泥馬長嘶首落香  
夜趁靈旗朝玉闕  
朝從江上渡康王

其五

香火千年數字題西風落日到平堤爭如銅雀臺前  
瓦流入漳河寒影嘶

其六

到手江山讓與誰阿瞞作語故相欺幾人稱王幾人  
帝到底還輸大耳兒

其七

野史稱關神前身爲項王

北望除邳霸國塵爭傳壯繆踵前身與圖手挈歸炎  
漢何事烏江怨血新



其八

龍文簇簇繡芙蓉，幾點神燈照夜鐘。  
江左書生來吊古，蘋花聊采廟前供。

阮溪舟中徵於越韻事擬營妓劉采春贈元微  
之一絕

急雨通潮乍別君，寄來腸斷是迴文。  
登樓欲向江天望，松柏西陵蘇小墳。

春榜期近望止祥兄文載弟得雋報和季父詠

七葉相傳止一經  
曾將圭壁獻明廷  
年來更見家聲振  
日下和鳴有鸛鷄

其二

紛芳桃李遍春闈  
萬騎前頭奪錦歸  
自有文章能造命  
豈將勝負聽朱衣

其三

兄才久已冠軍鋒  
阿弟無須用火攻  
姓字聯翩書淡墨  
始知世上有淩龍

其四

淡素繇來世所傳  
聯蟬仍是舊青鸞  
科名不負生平志  
乃信先模屬後賢

寓山清明禱興

風雨清明又一春  
桃花零亂水溪濱  
窓前惟有青山在  
歲歲相看作故人

其二

昨朝有客過山家  
村釀無多未可賒  
籬筍漸肥堪作

道山隱集  
供山僧又送雨前茶

其三

麥子青青野菜黃  
攪籬短短柳絲長  
逢春草木都如此  
蜂蝶緣何著意忙

其四

曉來峰頂界微雲  
俄看空青照夕曛  
靜坐蒲團無片語  
一聲清磬衆山聞

其五

榆柳年前手自栽而今綠影覆亭臺  
虛堂淨敞荷池畔爲待嘶泥燕子來

同古道上人柯園省牡丹和季父詠

羞稱富貴逐時人獨與幽蘭並作隣  
不是沉香亭北看茅齋也有一枝香

其二

禪那斷却見聞根共看楊妃一搗痕  
解得名花非色相姚黃魏紫總休論

其三

和雲帶雨更含烟  
原是花中自在禪  
正欲掀翻獅子座  
何須舌上現青蓮

題贈炳然上人

金劉堅固法身安  
何必尋空作止觀  
撥盡微雲千萬點  
九秋明月照人寒

其二

安心寧似把心安  
大地曾無寸土觀  
打破一塵三界

外任他日煖與霜寒

清明紀遊楊柳詞

王家山畔駕輕船  
蘆石湖頭水拍天  
放我閒人三五

個半山半水半雲烟

屬石湖舟泛出王家山

其二

外山山外盡青山  
柳市花源隔兩灣  
小憩偶逢僧梵

罷陰陰古木護禪關

外山卷盡卧

其三

環山小徑問前津傳說當年襖帖新一自蘭亭書記  
後萬花不敢放陽春

花徑

其四

禪房一帶野溪濱花作幢幡草作茵爲憶松窓吟嘯  
處十年題墨至今新

廣福僧舍朱集菴先生曾讀書于此

其五

對溪橋下水淙淙百樹垂楊十里松欲向壽臺山寺

去田夫指我過前峰

對東鰲峰寺一名壽臺



其六

一曲臨流可溯洄，梵王宮在白雲隈。老僧閒話前朝

事，逸少題名晉代梅。

鷲峯額爲右軍筆，寺前梅一樹傳晉人手植。

其七

釀酒山僧是遠公，酣呼直到甕頭空。山行解渴方需

此，我佛慈悲恕醉翁。

僧樂禪善釀，喜客聚飲。

其八

茅屋沿流四五家，雲春水碓夾溪斜。牧兒驅犢東岡

上小婦山前摘雨茶  
馬塢道中

其九

四面山光熨夕陽  
歸樵歸牧灝成行  
疲驢獨向胡菴道  
菜子黃花滿地香  
胡菴晚歸

清明後遊紀事楊柳詞

風流太守鑿山開  
紫翠亭中巖岫來  
怪是文長聯句好  
萬家烟火上樓臺  
紫翠亭在郡齋後太守許芳谷公建

其二

越絕曾傳飛翼圖當年構此欲吞吳興亡幾易荒亭

在猶聽城頭叫夜鳥

望海亭即古飛翼樓

其三

磨崖斷碣卧殘螭傳說竇僚遊宴時問是何年曾到

此石間彷彿認淳熙

望海亭後讀磨崖碑

其四

凌霄翠幹大紅瓢紫色葡萄粉木香三本乞來坡下

種便誇春色關群芳

從洋湖沈氏乞花

其五

輕雨輕雲護粉鈿  
凝妝妃子笑嫣然  
杜鵑月下成幽夢  
猶憶前身是玉仙

其六

聲聲環珮若爲留  
纔得含胎便解羞  
不是對人嬌不語  
恐勾宋玉在牆頭

其七

名花傳說在溪瀕  
竹樹翳然水石隣  
羞與魏姚爭富

貴茅簷獨占一枝春

王氏水竹居標牡丹三首

其八

春老濃陰嫩筍天家家都費杖頭錢  
叅來玉版街前

賣狼籍雲門不語禪

三龜埠

其九

萬竿脩竹一溪灣似有幽人靜掩關  
我渴便思蘭雪

飲却聞日鑄在前山

訪陳紀常於修竹廬不值蘭雪  
出日鑄嶺

其十

雙松門外響溪聲與月吞來寒一并曾笑昔年洗耳  
輩臨流端只爲貪名

雙松菴掬泉

其十一

葛仙魯此得長生此地猶傳聖女名於越志中無可  
致多應煉石女媧成

聖女洞在葛山後

其十二

石池小小伴莓苔吊古曾經半晌回想是破吳歸去  
後坐着麋鹿上蘇臺

鹿池山



浣江

片帆孤影趁西風，無盡東流照碧中。  
一自胥濤澎湃後，江聲不復向吳宮。

浣紗石

中江一石載沉浮，偶有佳人在上頭。  
遺恨鴟夷終不識，年年楓葉醉騰秋。

苧蘿山

夷光昔日在山阿，自古於今識苧蘿。  
坐看蘇臺走麋鹿。

鹿此間荒寂如何

○贈袁鳧公

不多言

烟雨湖頭綠  
湖光相對青  
遙遙一舫林邊

出知是鳧公問水津

其二

一曲欄干倚水家  
吳歎珠出付紅牙  
高鬟越女開簾

聽濕盡新栽杏子紗

其三



世間何物得如君。陸海潘江未足云。讀盡牙籤三萬  
卷。始知天上有鴻文。

其四

從來索處嘆分離。何處天涯寄我思。遲我楓江橋上  
月。與君攜手較新詞。

祁忠敏公遠山堂詩集一卷子理孫班孫編輯雪竇山人  
魏明較定東書樓寫本祁氏子孫世保藏之已三百  
年云前月往梅市訪祁子明先生蒙出以見示并  
許借錄因受而讀之公詩之見於日記者僅崇禎壬申  
中秋五律一首甲申春宿曹山及游鑑湖七律二首餘  
皆有題無詩今是集所錄有日記中已載其題者亦有  
日記中所未及者意者公當時宦轅往來所作詩不盡  
留稿公子輩僅就家中所存者錄之是以少作后多  
集中古今體詩共五百十二首雪翁題其上云共集百三十

六首惟徑其所點定者實有百四十六首想其中尚有未  
取未定者茲就其點定者錄存之祁氏兄弟之於雪翁  
蓋互師友之間祁六公子之詩尤與雪翁相似雪翁每至  
越必主祁氏當時公子輩蓋欲刻忠敬遺詩故清雪翁  
言之未幾而蠟書變作雪翁既正命武林祁六公子亦遠  
戍寧古塔是集遂未及付刊其後淡生堂藏者復散失  
殆盡則此稿之得僅存者亦歟後遺灰也若雪翁所著  
之息賢堂集近已由四明張氏為之印行惟其墨蹟實  
為世所稀見今觀是集中所書雖旁注細字具有渴

驥怒視之勢益慨然想見其為人真天壤間瓌竒也借  
錄既後方以<sup>錄</sup>遠之凡雪翁改筆及圈點塗抹處均以  
紅墨書之原本間有空缺者因徑塗抹去附辨識  
也己卯四月初八日復菴沈鈞業謹跋